



F E G L D ' I N F U R M A Z I U N

**concernent la collavuraziun da las instituziuns da la scolaziun speziala
cun la cussegliaziun professiunala da l'assicuranza d'invaliditad (CP-AI) dal
Grischun**

**Prolungar la scolaziun speziala sunter che l'obligaziun d'ir a scola è
vegnida ademplida**

1. Princip

Per scolaras e scolaras che adempleschan l'obligaziun d'ir a scola en il rom da la scolaziun speziala, exista la pussaivladad da frequentar ina scolaziun postobligatorica, sch'il basegn è cumprovà.

2. Cumpetenzas e proceder

Per la collavuraziun da las instituziuns da la scolaziun speziala (scolas spezialas) e dals posts spezialisads cun la cussegliaziun professiunala da l'assicuranza d'invaliditad (CP-AI) valan las [directivas concernent il scleriment, il rapport e la dumonda da mesiras pretensiusas da la pedagogia speziala](#), en las qualas figureschan las incumbensas da las personas participadas, il proceder per il scleriment, il rapport e la dumonda sco er la documentaziun e l'andament temporal.

3. Scleriment da la cussegliaziun professiunala

La premissa centrala per il scleriment da la cussegliaziun professiunala è l'annunzia precedenta a la AI tras las personas responsablas per l'educaziun che vegnan sustegnidas da las scolas spezialas en cas da basegn, sco er ina dumonda per sclerir l'integrabilitad en ina professiun ed in rapport da promoziun actual (rapport da scola e d'assistenza) da la scola speziala. La CP-AI examinescha, sche la scolara u il scolar è madir per tscherner ina professiun ed en spezial, sche las schanzas per ina integraziun cun success en ina professiun pon vegnir meglieradas cun in'ulteriura scolaziun speziala. En cas da basegn han lieu discurs cun las personas assicuradas, cun lur personas responsablas per l'educaziun, cun las personas d'instrucziun da la scola speziala sco er cun ulteriuras personas participadas. En cas singuls pon furnir er tests resultats da scleriment nizzaivels. Sche la madiranza per tscherner ina professiun n'è betg anc

avant maun, redigia la CP-AI – per mauns dal servetsch psicologic da scola (SPS) – in rapport motivà correspudentamain e la proposta cun la recumandaziun per l'ulteriura scolaziun speziala (incl. cun la motivaziun e cun la durada da la mesira). Sche la madiranza per tscherner ina professiun è avant maun, vegn la CP-AI ad ademplir sia incumbensa en il rom da l'integraziun professiunala.

4. Andament temporal

Per che decisiuns concernent la scolaziun speziala suentar il temp da scola obligatoric possian vegnir prendidas a temp, q.v.d. avant il cumenzament dal 10. onn da scola (OS), ston vegnir observads ils termins per l'annunzia, il scleriment ed il transferiment da documents. Qua èn las scolas spezialas dumandadas sco emprima d'observar il dumber dals onns gia absolvids da scolaras e scolars en il rom dal temp da scola obligatoric, per ch'il sustegn da las personas responsablas per l'educaziun en connex cun l'annunzia a la AI haja lieu a temp. Ils posts participads, ils pass necessaris sco er ils termins etablids tenor la pratica vegnan menziunads – per dar ina survista – en la tabella qua sutvart.

Tabella concernent l'andament temporal da la collavuraziun

| Pass | Post cumpetent | Incumbensas | Termin | OS |
|------|----------------|---|----------------|----|
| 1 | scola speziala | <i>scolaziun speziala integrativa:</i> Organisar ed inoltrar l'annunzia a l'assicuranza d'invaliditad (AI) | 15 d'october | 7. |
| 2 | scola speziala | <i>scolaziun speziala separativa:</i> Organisar ed inoltrar l'annunzia a l'assicuranza d'invaliditad (AI) | 15 da december | 8. |
| 3 | scola speziala | inoltrar las dumondas da scleriment respectivas ed ils rapports da promoziun actuals a la CP-AI – <i>dumonda per sclerir l'integrabilitad en ina professiun tras l'uffizi da la AI dal chantun Grischun</i> – <i>USS - formular da dumonda per la scolaziun speziala</i> – <i>rapport da promoziun da l'instituziun da la scolaziun speziala</i> | 15 da december | 9. |

| | | | | |
|---|--------------------------|--|--------------|--|
| 4 | CP-AI | sclerir ed en cas da basegn transmetter il "rapport e la dumonda da prolungar la scolaziun speziala" cun recumandaziun a l'instituziun | 15 da favrer | |
| 5 | scola speziala | transferir ils dossiers cumplets al post regiunal dal SPS | 1. da mars | |
| 6 | post regiunal dal SPS | sclerir ed en cas da basegn transferir a la direcziun dal SPS il dossier cumplet ensemen cun in agen rapport ed in'atgna proposta | 1. da matg | |
| 7 | direcziun dal SPS | examinar ed inoltrar a l'uffizi il dossier cumplet | 31 da matg | |
| 8 | USS | examinar ed en cas da basegn relaschar la disposiziun da scola speziala | 1. d'avust | |

5. Entrada en vigor

Quest feigl d'infurmaziun rempiazza il feigl d'infurmaziun dal mars 2010 e cumplettescha las directivas concernent il scleriment, il rapport e la dumonda da mesiras pretensiusas da la pedagogia speziala. El entra en vigor il 1. da schaner 2018.

Cuira, december 2017